

vol bey kenen giebt er den meyster ein gilden uberschuß mer den sonst ein ler Junge darüber hat er angelobt vnd zugesagt dem meyster gehorsam Zu sein vnd in allen bilgen sachen zu thun was der ler meyster habin wil al Zeit wilig Zu thun.

Heute dato den 7 January Anno 99 ist Cristoff hylberdt von eynem erbaren handwerge der schmyde auff sein vndertheniges bytten (vnde anhalten) Zu eynem meyster in Irer Zunfft auf vnd angenohmen worden welch Im auch von beyden handwerges meystern peter Lengken vnde andreß Frangken In beysein aller gewergken mit ihrer einwilligung geschehen vnd Solches von dem Stadt vnd Landrichter davit pempel verzeichnet worden vnde 2 fl. Zur schreybegebur erlegt den gewergken aber v fl. j thonne byr Zugeben versprochen hat er zu gesagt uber ein Jar das quarthal trium regum ij fl. zum angeldt Zu geben die hinderstellig 3 fl. auf verzinßung wenn ers nicht erlegt die thonne byr aber auffß quarthal pfingsten dießes 99 Jars.

Heitte dato den 22 February des 99 jar ist vor dem handtwerge der huffschmide hans Zehsler Zu meyster veit gering auf zwey Jar lang nach handtwergeß gewonheit verdingt worden in aller gegenwart der der Zugehorigen meister in der stadt aller andreß francke veit gering beyde handtwergeßmeister. Von diesen Jungen ist xv gr. Ins ampt erleget worden den letzten February 99.

Der eldere hans Stolbergk Schlosser zu Gessen heute dato den 7 January Anno 1600 sich eyn erbar handwergk der schmide auf sein vndertheniges bitten vnd anhalten Zu eynem Meister auff vnd angenohmen worden sich jederzeit gegen einen erbaren handwergk gehorsamlich zu verhalten welches denn alle gewergken mit jenen content vnde zufryden gewesen vnd der ein erbar handwergk v fl. Zugeld zugesagt als dato 2 fl. j gr. das quarthal pfingsten vnd den Zins uber ein jar wyderumb 2 fl. auch sich ferner erpoten weder den grobschmiden noch Schlossern schuldig Zub sein welches den mit wyssen und wyllen der beyden schlosser dieß wäre zugesagt worden In beysein mit Davit pempel derzeyt Landrichter.

Eynnahme Geldt des schmide handtwergeß des 98 Jars trium Regum des 99 jars von peter lengken vnd andreß frangken verzeichnet worden.

Eynnahme auflagegeld daß quarthal trium Regium (!) des 98 Jars xx gr. von xv personen von jedem 16 Pf.

Eynnahme der Zinßen am quarthal Trium Regum des 98 jars.

ij gr. peter Lengke von 2 fl.,

iiij<sup>1</sup>/<sub>2</sub> gr. Maß Gruber von <sup>1</sup>/<sub>2</sub> fl.,

iiij gr. Michel Blauschmidt von <sup>1</sup>/<sub>2</sub> fl.,